



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi: 54/18 – prečišćeni tekst i 17/20 i 24/20) i Zaključka Skupštine Brčko distrikta BiH broj: 01-02-862/20 od 29. 4. 2020. godine, Skupština Brčko distrikta BiH na 38. redovnoj sjednici održanoj 8. februara 2023. godine donosi

## **ODLUKU**

### **O KRITERIJIMA I VISINI ISPLATE NAGRADA LICIMA ANGAŽOVANIM U JZU “ZDRAVSTVENI CENTAR BRČKO” BRČKO DISTRIKTA BiH ZA VRIJEME COVID-a U PERIODU 2020-2022**

#### **Član 1**

Ovom odlukom utvrđuju se kriteriji i visina isplate nagrada za lica direktno angažovana u liječenju zaraženih koronavirusom (Covid-19), kao i za pomoćno osoblje direktno izloženo opasnosti zaraze koronavirusa (Covid-19) u JZU „Zdravstveni centar Brčko“ Brčko distrikt BiH (u daljnjem tekstu: JZU) u periodu od marta 2020. godine do augusta 2022. godine.

#### **Član 2**

Sredstva za isplatu nagrada iz člana 1 ove odluke odobrena su u Finansijskom planu za 2023. godinu JZU u ukupnom bruto iznosu od 150.000,00 KM (slovima: sto pedeset hiljada i 00/100 KM), uz datu saglasnost od strane Skupštine Brčko distrikta BiH.

#### **Član 3**

Nalaže se JZU da se odobrena sredstva isplate u skladu sa sljedećim kriterijima:

- a) da lica iz člana 1 ove odluke nisu ranije po osnovu obavljanja poslova u liječenju zaraženih koronavirusom (Covid-19) ostvarili naknade po drugom osnovu, što se pojedinačno utvrđuje kroz evidencije prisustva na radu odjeljenja/službi u kojima su bili raspoređeni,
- b) da se radi o licima koja su obavljala poslove koja su neposredno ili posredno bila u funkciji zaštite od COVID-a i koja su ulazila u područje u kojima su bili izloženi opasnosti od zaraze.

#### **Član 4**

JZU će u skladu s kriterijima iz člana 3 ove odluke utvrditi spisak lica za nagrađivanje.

#### **Član 5**

- (1) Licima iz člana 4 ove odluke koja su u radnom odnosu u JZU izvršit će se pojedinačna isplata nagrade uz platu, u skladu s planiranim finansijskim sredstvima.
- (2) Licima iz člana 4 ove odluke koja nisu u radnom odnosu u JZU (angažovana po osnovu ugovora o privremenim i povremenim poslovima i ugovora o djelu) izvršit će se pojedinačna isplata nagrade u skladu s planiranim finansijskim sredstvima.

## **Član 6**

Za realizaciju ove odluke zadužuje se direktor JZU, na teret sredstava obezbijedenih u Finansijskom planu za 2023. godinu JZU „Zdravstveni centar Brčko“ Brčko distrikt BiH.

## **Član 7**

Ova odluka stupa na snagu narednog dana od dana objavljivanja u Službenom glasniku Brčko distrikta BiH.

Broj: 01-02-536/23

Brčko, 8. 2. 2023. godine

**PREDSJEDNIK  
SKUPŠTINE BRČKO DISTRIKTA BiH  
Mr. sci. Siniša Milić**

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Odjeljenju za zdravstvo i ostale usluge
- 5) JZU „Zdravstveni centar Brčko“
- 6) Sektoru za opće i zajedničke poslove
- 7) Arhivi